

НА ГОСПОДИ ВОЗЗВАХ

поставим стихов 10, и поем стихиры воскресны, глас 1.

1. Стих: Изведи из темницы дѹшу мою,/ исповедатися ѿмене Твоему.

Вечѣрняя наша моли́твы/ прими, Святы́й Го́споди,/ и пода́ждь нам оставле́ние грехо́в,/ я́ко Еди́н еси́// явлей в мире Воскресе́ние.

2. Стих: Мене ждут праведницы,/ дондеже́ возда́си мне.

Обыдите лю́дие Сио́н/ и обymíте Его́,/ и дадите славу в нем Воскресшему из ме́ртвых:/ я́ко То́й есть Бо́г наш,// Избавлей нас от беззаконий на́ших.

3. Стих: Из глубины воззвах к Тебе, Господи,/ Господи, услы́ши глас мой.

Приидите лю́дие, воспои́м,/ и поклони́мся Христу́,/ сла́вяще Его из мертвых Воскресе́ние:/ я́ко То́й есть Бо́г наш,// от прелести вражия ми́р Избавле́й.

4. Стих: Да будут уши Твои/ внимлюще́ гласу моле́ния моего.

Веселитесь Небеса, вострубите основания земли, возопийте горы веселие: се бо Еммануил грехи наша на Кресте пригвозди, и живот да́й, смерть умертви, Адама Воскресивый, я́ко Человеколюбец.

5. Стих: Аще беззакония назириши, Господи, Господи, кто постоит;/ я́ко у Тебе очищение есть.

Плотию волею Распеншагося нас ради, Пострада́вша и Погребенна, и Воскресша из мертвых, воспоим глаголюще: утверди православи́ем Церковь Твою, Христе, и умири жизнь нашу, я́ко Благ и Человеколюбец.

6. Стих: Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

Живоприемному Твоему гробу предстояще недостойнии, славословие приносим неизреченному Твоему благоутробию, Христе Боже наш: яко крест и смерть приял еси Безгрешне, да миру даруеши Воскресение, яко Человеколюбец.

7. Стих: От стражи утренния до нощи, от стражи утренния, да уповаает Израиль на Господа.

Иже Отцу Собезначальна, и Соприсносущна Слова от Девическаго чрева Происшедшаго неизреченно, и крест и смерть нас ради волею Приемшаго, и Воскресша во славе, воспоим глаголюще: Живодавче Господи, слава Тебе, Спасе душ наших.

Таже минеи стихиры святому. Слава святому, аще имать. Аще ли ни:

СЛАВА И НЫНЕ: БОГОРОДИЧЕН ДОГМАТИК, ГЛАС 1

Всемирную славу,/ от человек Прозябшую,/ и Владыку Рóждшую,/ Небесную Дверь воспоим Марию Дéву,/ Безплотных Песнь, и верных Удобрéние:/ Сия бо явился Небо, и Хра́м Божества:/ Сия́ преграждение вражды разруши́вши,/ мир введе, и Ца́рствие отве́рзе./ Сию́ убо имуще веры Утвержде́ние,/ Поборника има́мы из Нея Рождшагося Го́спода./ Дерза́йте убо, дерзайте лю́дие Бо́жии:/ ибо То́й победит враги́, // яко Всеси́лен.

Таже: Свете Тихий: Прокимен и прочая.

НА СТИХОВНЕ СТИХИРЫ ВОСКРЕСНЫ, ГЛАС 1.

Стра́стию Твоею Христе,/ от страстей свободихомся,/ и Воскресéнием Твоим из истления избáвихомся, // Господи, сла́ва Тебе.

Стих: Господь воцарися, в лепоту облечеса.

Да радуется тварь, небеса да веселятся, руками да восплещут языцы с веселием: Христос бо Спас наш, на кресте пригвозди грехи наша: и смерть умертвив живот нам дарова, падшаго Адама всероднаго Воскресивый, яко Человеколюбец.

Стих: Ибо утверди вселенную, яже не подвижится.

Царь сый небесе и земли непостижимо, волею распялся еси за человеколюбие. Егоже ад срет доле огорчился, и праведных души приемша возрадовашася: Адам же, видев Тя Зиждителя в преисподних, воскресе. О чудесе! Како смерти вкуси всех жизнь; но якоже восхоте мир просветити зовущий и глаголющий: Воскресый из мертвых, Господи, слава Тебе.

Стих: Дому Твоему подобает святыня, Господи, в долготу дней.

Жены мироносицы, мира носяща, со тцанием и рыданием гроба Твоего достигоша, и не обретша Пречистаго Тела Твоего, от Ангела же уведевша новое и преславное чудо, Апостолом глаголаху: воскресе Господь, Подавай миру велию милость.

Слава, минеи, аще есть. Аще ли ни:

СЛАВА И НЫНЕ: БОГОРОДИЧЕН:

Сé исполнися Исаиино проречéние,/ Дева бо родилá еси,/ и по Рождествé яко прежде Рождества пребылá еси:/ Бог бо бé Рождéйся,/ тёмже и естество новопременíся./ Но о Богомáти!/ Молéния Твоих рабов, в Твоем храме приносимая Тебе не прéзри:/ но яко Благоутробнаго Твоима рукáма носящи,/ на Твоя рабы умилосёрдися,// и моли спастися душáм нашим.

Таже, Ныне отпускаеши: Трисвятое. И по Отче наш:

Псалом 33.

Благословлю Господа на всякое время,/ выну хвала Его во устех моих. **О** Господе похвалится душа моя;/ да услышат кротцыи и возвеселятся. **Возвеличите** Господа со мною,/ и вознесем имя Его вкупе. **Взысках** Господа, и услыша мя/ и от всех скорбей моих избави мя. **Приступите** к Нему и просветитесь,/ и лица ваша не постыдятся. **Сей** нищий воззва, и Господь услыша и,/ и от всех скорбей Его спасе и. **Ополчится** ангел Господень окрест боящихся Его/ и избавит их. **Вкусите** и видите, яко благ Господь;/ блажен муж, иже уповает Нань. **Бойтесь** Господа, вси святии Его,/ яко

несть лишения боящимся Его. **Богатии** обнищаша и взалкаша;/
взыскающие же Господа не лишатся всякаго блага.

В НЕДЕЛЮ НА УТРЕНИ.

По шестопсалмии Бог Господь, на глас 1 и глаголем тропарь воскресный, дважды, и Богородичен единожды, писаны на велицей вечерни. Таже обычное стихословие псалтиря.

ТРОПАРЬ ВОСКРЕСЕН, ГЛАС 1:

Кáмени запечатану от иудей,/ и воином стрегущим Пречистое
Тéло Твое,/ воскрéсл еси Тридневный Спáсе,/ даруй ми́рови
жízнь./ Сего ráди силы небесныя вопияху Ти Жизнодáвче:/ Слава
Воскресению Твоему́, Христé:/ слава Царствию Твоему́:// слава
смотрению Твоему, Едине Человеколю́бче. **Дважды.**

СЛАВА И НЫНЕ: БОГОРОДИЧЕН:

Гаври́лу вещавшу Тебе Дево, ráдуйся,/ со гласом воплощашеся
всех Влады́ка,/ в Тебé Святем Кивóте,/ якоже рече пра́ведный
Дави́д:/ яв́лася еси ширша́я небес,/ поносивши Зижди́теля
Твоего́./ Слава Всельшемуся в Тя́:/ слава Прошедшему из Тебé://
слава Свободившему нас Рождество́м Твоим.

Степенны: антифон 1, глас 1, стихи повторяюще:

Внегда скорбети ми, услыши моя болезни, Господи Тебе зову.
Пустынным непрестанное Божественное желание бывает, мира
сущим суетнаго кроме.

Слава: Святому Духу честь и слава, якоже Отцу подобает, купно же
и Сыну, сего ради да поем Троице Единодержавие.

И ныне, тойже.

Прокимен, глас 1: **Н**ыне воскресну, глаголет Господь, положуся во
спасение, не обинюся о нем.

Стих: Слова Господня, слова чиста.